



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00 i 102/09), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08) izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2008. GODINU **LIBERALNO DEMOKRATSKE STRANKE BIH**

Broj: 03-07-6-1574/09
Sarajevo, 30.04.2010. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	6
5.1 NALAZI.....	6
5.2 PREPORUKE.....	10

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled godišnjeg finansijskog izvještaja **Liberalno demokratske stranke BiH** za 2008. godinu i to: godišnjeg finansijskog izvještaja za 2008. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2008. godine.

Rukovodstvo stranke je odgovorno za finansijske izvještaje, postupanje u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Liberalno demokratska stranka BiH je prekršila odredbe člana 3. stav (2) jer je obezbjedila sredstva iz dobiti od prihoda preduzeća u vlasništvu političke stranke čija djelatnost nije vezana za kulturu ili izdavačku djelatnost, odredbe člana 6. jer nije izvršila obavezu prijavljivanja priloga, člana 8. stav (1) jer je ostvarila zabranjeni prilog i odredbe člana 11. stav (1) i (3) Zakona o finansiranju političkih stranaka, jer nije vodila računa o svojim prihodima i na obrascu godišnjeg finansijskog izvještaja nije iskazala sve transakcione račune i finansijski izvještaj nije popunila u skladu sa Pravilnikom o godišnjim finansijskim izvještajima političkih stranaka.

Na osnovu našeg pregleda, odnosno kontrole finansijskog izvještaja, osim gornjih napomena nismo zapazili ništa značajno što bi ukazalo na druge nedostatke u izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled godišnjeg finansijskog izvještaja Liberalno demokratske stranke BiH za 2008. godinu i to: godišnjeg finansijskog izvještaja za 2008. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2008. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Liberalno demokratska stranka BiH je iskazala prihode u iznosu od 256.836,27 KM, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u ukupnom prihodu %
1	Članarina	11.120,62	4,33%
2	Prilozi fizičkih lica	17.630,30	6,86%
3	Prilozi pravnih lica	1.647,47	0,64%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	75.032,22	29,21%
8	Ostali prihodi	151.405,66	58,95%
9	Ukupni prihodi:	256.836,27	100,00%

U godišnjem finansijskom izvještaju Liberalno demokratska stranka BiH je iskazala ukupne rashode u iznosu 282.951,78 KM.

2. PREDSTAVLJANJE POLITIČKE STRANKE

Naziv političke stranke: Liberalno demokratska stranka BiH. Skraćeni naziv stranke je LDS BiH.

Politička stranka je registrovana 03.07.2000. godine kod Kantonalnog suda u Sarajevu pod brojem R-1-2/00.

Sjedište političke stranke je u Sarajevu, ulica Maršala Tita 9A.

Za zastupanje stranke u 2008. godini bila je ovlaštena Lamija Tanović, predsjednik stranke i Edin Šehić, osoba ovlaštena za podnošenje finansijskih izvještaja za 2008. godinu.

Organizacionu strukturu Liberalno demokratske stranke BiH, prema podacima iz finansijskog izvještaja, čine:

- Centralni ured,
- Mladi liberali,
- 2 kantonalna odbora i
- 26 općinskih odbora.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Liberalno demokratske stranke BiH za 2008. godinu i finansijski izvještaj za period od dana podnošenja prijave za ovjeru za izbore do dana ovjere rezultata Lokalnih izbora održanih u oktobru 2008. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je Liberalno demokratska stranka BiH u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja Zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Liberalno demokratske stranke BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na članarine, dobit od pravnih osoba u vlasništvu političke stranke, prihode od poklona, prihode iz budžeta, priloge pravnih i fizičkih lica i troškove predizborne kampanje.

4. PRETHODNE KONTROLE I REVIZIJE

U prethodnom periodu izvršena je revizija godišnjeg finansijskog izvještaja Liberalno demokratske stranke BiH za 2006. godinu i izdat izvještaj o reviziji sa mišljenjem revizora, nalazima i preporukom revizije da stranka treba postupati u skladu sa odredbama člana 3. stav (2), člana 5. stav (1), člana 8. stav (1) i člana 11. stav (3) Zakona o finansiranju političkih stranaka. Za 2007. godinu izvršen je pregled godišnjeg finansijskog izvještaja i izdat je izvještaj sa nalazima da je stranka postupala suprotno odredbama člana 3. stav (2), člana 8. stav (1), člana 11. stav (3) i člana 12. stav (2) Zakona o finansiranju političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2008. godinu, utvrđeno je da politička stranka nije ispoštovala sve preporuke koje su date u izvještaju o pregledu finansijskog izvještaja za 2007. godinu, odnosno postupila je suprotno odredbama: člana 3. stav (2), člana 8. stav (1) i člana 11. stav (1) i (3) Zakona o finansiranju političkih stranaka.

5. NALAZI I PREPORUKE

5.1. NALAZI

- a) **Na osnovu obavljenog pregleda finansijskog izvještaja utvrđeno je da je Liberalno demokratska stranka BiH prekršila odredbe člana 3. stav (2) Zakona o finansiranju političkih stranaka.¹**

Stranka je od vlastitog Kluba „Labirint“, koji se suprotno odredbama Zakona o finansiranju političkih stranaka bavi ugostiteljskom djelatnošću ostvarila prihod u iznosu od 5.000 KM,² odnosno obezbjedila sredstva iz dobiti od prihoda preduzeća u vlasništvu političke stranke, čija djelatnost nije vezana za kulturu ili izdavačku djelatnost čime je prekršila odredbe člana 3. stav (2) Zakona o finansiranju političkih stranaka.

- b) **Na osnovu našeg pregleda, odnosno kontrole godišnjeg finansijskog izvještaja za 2008. godinu, utvrđeno je da je stranka prekršila odredbe člana 6. Zakona o finansiranju političkih stranaka.³**

Organizacioni dio stranke Mladi liberali BiH, su primili prilog od fizičkog lica u iznosu od 5.000,00 KM,⁴ a koji stranka nije prijavila u finansijskom izvještaju, te je na taj način prekršila odredbe člana 6. Zakona o finansiranju političkih stranaka.

- c) **Liberalno demokratska stranka BiH nije postupila u skladu sa odredbama člana 8. stav (1) Zakona o finansiranju političkih stranaka.⁵**

Na osnovu godišnjeg finansijskog izvještaja Liberalno demokratske stranke BiH, utvrđeno je da stranka odnosno njeni odbori koriste bez naknade prostorije općinskih organa uprave. Šest (6) općinskih odbora koristi poslovne prostorije općina i to:

- Općinskom odboru Liberalno demokratske stranke BiH Ilijaš je Ugovorom broj: 05-23-2145/03 od 02.06.2003. godine, dodjeljen na korištenje bez naknade, prostor površine 16,53 m² u poslovnoj zgradi Općine Ilijaš. Na osnovu Odluke o načinu i visini plaćanja zakupnine poslovnih prostora na području Općine Ilijaš („ Službene novine Kantona Sarajevo“, broj 2/00), kojom je utvrđena cijena poslovnog prostora na području Ilijaša za neprofitabilne i humanitarne organizacije u iznosu od 8,00 KM /m² može se pouzdano utvrditi da mjesečna zakupnina poslovnog prostora koji koristi Liberalno demokratska stranka BiH iznosi mjesečno 132,24 KM, odnosno 1.586,90 KM godišnje. Time što ova politička stranka nije platila zakupninu za korištenje navedenog poslovnog prostora, u 2008. godini je ostvarila zabranjen prilog u iznosu od 1.586,90 KM.

¹ U skladu sa članom 3. stav (2) Zakona o finansiranju političkih stranaka politička stranka može da obezbjedi sredstva iz dobiti od prihoda preduzeća u vlasništvu političke stranke, s tim da se to preduzeće može baviti samo djelatnošću vezanom za kulturu ili izdavačkom djelatnošću.

² Finansijska dokumentacija Glavne knjige Centralnog ureda LDS BiH – konto 4170 Prihod od vlastite aktivnosti.

³ Ako ukupni iznos priloga jednog lica iz stava 1. člana 4. premašuje 100,00 KM, ta uplata se mora unijeti u finansijski izvještaj u skladu sa članom 11.

⁴ Izvod br. 3 Transakcionog računa broj: 1291011000955614 HVB Central Profit Banka d.d.

⁵ Državni, entitetski i kantonalni organi, organi opštinskih i mjesnih zajednica, javne institucije, javna preduzeća, humanitarne organizacije, preduzeća koja su po svojoj djelatnosti isključivo neprofitna, vjerske zajednice, kao i privredna udruženja u kojima uloženi javni kapital iznosi najmanje 25% ne mogu da finansiraju političke stranke.

- Općinskom odboru Liberalno demokratske stranke BiH Jablanica je Odlukom broj: 01-51-759/05 od 30.05.2005. godine, dodjeljen na privremeno korištenje bez naknade, prostor površine 15,5 m² u stambeno-poslovnoj zgradi u Ul. Trg oslobođenja 28. Na osnovu Odluke o prodaji i davanju u zakup poslovnih prostorija na području Općine Jablanica („Službeni glasnik Općine Jablanica“, broj 2/06), kojom je utvrđena cijena poslovnog prostora na području Jablanice za I zonu u iznosu od 8,00 KM /m² može se pouzdano utvrditi da mjesečna zakupnina poslovnog prostora koji koristi Liberalno demokratska stranka BiH iznosi mjesečno 124,00 KM, odnosno 1.488,00 KM godišnje. Time što ova politička stranka nije platila zakupninu za korištenje navedenog poslovnog prostora, u 2008. godini je ostvarila zabranjen prilog u iznosu od 1.488,00 KM.
- Općinskom odboru Liberalno demokratske stranke BiH Sanski Most je Rješenjem broj: 03-23-8-2613/01 od 30.10.2001. godine, dodjeljen na korištenje bez naknade, prostor površine 20 m² u poslovnoj zgradi Općine Sanski Most. Na osnovu Odluke o načinu plaćanja zakupa poslovnih prostora na području Općine Sanski Most („Službeni glasnik Općine Sanski Most“, broj 6/07), kojom je utvrđena cijena poslovnog prostora na području Sanskog Mosta za poslovne prostore površine do 25m² sa cijenom od 12,00 KM/m² može se pouzdano utvrditi da mjesečna zakupnina poslovnog prostora koji koristi Liberalno demokratska stranka BiH iznosi mjesečno 240,00 KM, odnosno 2.880,00 KM. godišnje. Time što ova politička stranka nije platila zakupninu za korištenje navedenog poslovnog prostora, u 2008. godini je ostvarila zabranjen prilog u iznosu od 2.880,00 KM.
- Općinskom odboru Liberalno demokratske stranke BiH Donji Vakuf je dodjeljen na korištenje bez naknade, prostor površine 12,4 m² u poslovnoj zgradi Općine Donji Vakuf.
- Općinskom odboru Liberalno demokratske stranke BiH Visoko je dodjeljen na korištenje bez naknade, prostor površine 14,46 m² u poslovnoj zgradi Općine Visoko.
- Općinskom odboru Liberalno demokratske stranke BiH Gračanica je dodjeljen na korištenje bez naknade, prostor u poslovnoj zgradi Općine Gračanica.

Na taj način stranka je ostvarila zabranjen prilog i postupila suprotno odredbama člana 8. stav (1) Zakona.

d) Pregledom godišnjeg finansijskog izvještaja utvrđeno je da je Liberalno demokratska stranka BiH prekršila odredbe člana 11. stav (1) i (3) Zakona o finansiranju političkih stranaka.

Stranka u kontrolisanom periodu nije vodila adekvatne evidencije o svojim prihodima i rashodima i na taj način postupila je suprotno odredbama člana 11. stav (1) Zakona o finansiranju političkih stranaka.⁶

- U godišnjem finansijskom izvještaju nije iskazala transakcioni račun broj: 338900220573681 svog organizacionog dijela u Travniku. Na pomenutom računu potvrđen je promet uplata budžetskih sredstava od strane Općine Travnik u iznosu od 6.294,80 KM. Takođe nije iskazala transakcioni račun broj: 3386902228622839 Općinskog odbora Kladanj na kome je izvršena uplata sredstava budžeta dobivena od općine Kladanj u iznosu od 1.180,20 KM.

⁶ Političke stranke vode evidenciju o svojim prihodima i rashodima. Politička stranka je dužna da Centralnoj izbornoj komisiji BiH podnese finansijski izvještaj za svaku kalendarsku (računovodstvenu) godinu.

Stranka je postupila suprotno odredbama člana 11. stav (3) Zakona o finansiranju političkih stranaka i Pravilnika o godišnjim finansijskim izvještajima političkih stranaka.⁷

- Stranka u finansijskom izvještaju na obrascu 1-1 (Teritorijalna struktura političkih stranaka) nije prijavila 2 kantonalna odbora i 14 općinskih odbora i time prekršila odredbe člana 10. Pravilnika o godišnjim finansijskim izvještajima političkih stranaka.

- Na osnovu obavljene kontrole godišnjeg finansijskog izvještaja utvrđeno je da na obrascu 2 (pregled prometa svih transakcijskih računa), nisu iskazani svi računi stranke, tako da obrazac nije popunjen na način kako propisuje član 11. Pravilnika o godišnjim finansijskim izvještajima političkih stranaka.

Na pomenutom obrascu nije iskazano šest transakcionih računa i to :

transakcijski račun broj: 1011210000052406 otvoren kod PBS DD Brčko, transakcijski račun broj: 3386602200445809 otvoren kod Unikredit banke dd, transakcijski račun broj: 3383102200358781 otvoren kod Unikredit banke dd, transakcijski račun broj: 3386902228622839 otvoren kod Unikredit banke dd u Kladnju, transakcijski račun broj: 1321602004975719 otvoren kod NLB Tuzlanska banke i transakcioni račun broj: 3389002205735681 otvoren kod Unikredit banke u Travniku.

Na traženje Centralne izborne komisije BiH, stranka je dana 12.03.2010. i 31.03.2010. godine, dostavila izvode za neprijavljene transakcione račune. Kontrolom izvoda pomenutih računa potvrđen je promet na dva transakciona računa, a radi se o uplatama po osnovu budžetskih sredstava od Općine Kladanj u iznosu od 1.180,20 KM i Općine Travnik u iznosu od 6.294,80 KM. Za ostala četiri neiskazana transakciona računa kontrolom izvoda je utvrđeno da nije bilo prometa.

- Pregledom i kontrolom je utvrđeno da je Liberalno demokratska stranka BiH u finansijskom izvještaju na obrascu 3 (ostali prihodi) godišnjeg finansijskog izvještaja iskazala dobit od pravnih osoba u vlasništvu političke stranke u ukupnom iznosu od 5.000,00 KM, koji su trebali biti iskazani na obrascu 3-c, čime je prekršila odredbe člana 13. stav (1) tačka e) Pravilnika o godišnjim finansijskim izvještajima političkih stranaka.⁸

- Na obrascu prihodi iz budžeta u godišnjem finansijskom izvještaju za Općinski odbor Travnik nije iskazan iznos od 6.294,80 KM ostvarenih prihoda iz budžeta Općine Travnik, kao i općine Kladanj u iznosu od 1.180,20 KM. Obrazac prihodi iz budžeta godišnjeg finansijskog izvještaja nije popunjen u skladu sa odredbama člana 19. stav (3) Pravilnika o godišnjim finansijskim izvještajima političkih stranaka.⁹

- U finansijskom izvještaju su iskazane obaveze prema dobavljačima u iznosu od 133.625,56 KM, koje su pogrešno iskazane tj. iskazane su zbirno (sintetički) u jednom iznosu, a potrebno je pojedinačno po svakom dobavljaču posebno. Uz obaveze prema dobavljačima nije naveden

⁷ Do 31.03. naredne godine političke stranke podnose finansijski izvještaj u formi koju odobri Centralna izborna komisija Bosne i Hercegovine. Ovaj izvještaj sadrži podatke utvrđene Izbornim zakonom. Centralna izborna komisija Bosne i Hercegovine donosi propise za provođenje odredbi kojima se bliže utvrđuju sadržaj, forma, način i drugi detalji izvještavanja.

⁸ U skladu sa članom 13. stav (1e) Pravilnika na obrascu 3 U kupni prihodi političke stranke- izvori finansiranja odnosno na obrascu 3-c unosi se sljedeći podatak: dobit od pravnih osoba u vlasništvu političke stranke.

⁹ Prihodom iz budžeta smatra se samo prihod definisan članom 3. stav (1) tačka d) i članom 10. Zakona o finansiranju političkih stranaka.

datum nastanka duga i rok vraćanja istog čime je stranka postupila suprotno odredbama člana 23. stav (1) tačka b) Pravilnika.¹⁰

Napomena:

Liberalno demokratska stranka BiH je primila sredstva iz inostranstva u iznosu od 142.621,76 KM, što je prikazano u narednoj tabeli:

Izraženo u KM

Red. br.	LDS BiH	Donator	Iznos priloga
1.	Centralni ured	SILC i VVD	29.525,33
2.	Mladi liberali	SILC i VVD	83.850,00
3.	OO Srebrenik	SILC	29.246,43
	UKUPNO:		142.621,76

Stranka je ostvarila sredstva na način što je aplicirala kod Swedish International Centre- SILC (Švedska) i VVD (Nizozemska) za dodjelu sredstava za realizaciju projekata s ciljem da se: aktivira i mobilizira više članova, poboljša komunikacija unutar i izvan stranke, razvije mreža suradnje sa drugim organizacijama mladih u i izvan BiH, ohrabre aktivnosti na lokalnom nivou unutar Mladih liberala BiH, ali i prema lokalnoj zajednici, obave edukacije najboljih lokalnih vođa koje će se uključiti u rad i razvoj lokalne zajednice i izgradnju stabilne organizacije Mladih liberala.

U skladu sa pruzetim obavezama iz ugovora za realizaciju projekata stranka je organizovala: velike nacionalne seminare za lokalne vođe, održala okrugle stolove, odštamovala biltene i radila na razvoju stranice Mladih Liberala BiH.

Troškovi predizborne kampanje

Liberalno demokratska stranka BiH je postupila u skladu sa odredbama člana 15.10 Izbornog zakona BiH, odnosno u svrhu izborne kampanje je potrošila 45.196,95 KM.

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM¹¹ po biraču u svakom izbornom krugu, prema broju birača koje je objavila Centralna izborna komisija BiH.

Prema podacima Centralne izborne komisije BiH, Liberalno demokratska stranka BiH je u svrhu izborne kampanje za Lokalne izbore 2008. godine mogla potrošiti 200.738,55 KM.

¹⁰ U skladu sa članom 23. stav (1b) Pravilnika na obrascu 5 Pozajmice, krediti i dugovi odnosno u tabeli 5.2 Ostala dugovanja unose se sljedeći podaci: naziv povjerioca, iznos duga, datum nastanka duga, visina rate kao i rok vraćanja.

¹¹ Član 15.10 stav 2. istog člana propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

5.2. PREPORUKE

Preporučuje se Liberalno demokratskoj stranci BiH da se pridržava odredbi Zakona o finansiranju političkih stranaka, a posebno na osnovu uočenih nedostataka se preporučuje:

- *Da postupa u skladu sa odredbama člana 3. stav (2), člana 6., člana 8. stav (1) i člana 11. stav (1) i (3), i to:*
 - *da svoje izvore finansiranja svede u okvire propisane Zakonom o finansiranju političkih stranaka,*
 - *da prijavljuje priloge fizičkih lica,*
 - *da se ne finansira priložima koji su zabranjeni ovim Zakonom i*
 - *da finansijske izvještaje koje podnosi Centralnoj izbornoj komisiji BiH sačinjava u formi propisanoj Pravilnikom o godišnjim finansijskim izvještajima političkih stranaka.*

KOMENTAR

Liberalno demokratska stranka Bosne i Hercegovine nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2008. godinu, koji je stranci dostavljen 13.04.2010. godine.

Mr. Hasida Gušić, šef Službe za reviziju - revizor

Nevenko Andan, revizor

Anela Burdžović- Kapić, pomoćnik revizora